



RUTINER FOR SAKSHANDSAMING VED SØKNAD OM KONSESJON ETTER VASSRESSURSLOVA § 8 DER NVE KAN GI LØYVE

Generelt

NVE har heimel til å gi løyve i saker som ikkje gjelder kraftproduksjon og i saker som gjeld små kraftverk (installert effekt under 10 MW), medan løyve til større kraftutbyggingar vert gjeve av Kongen i statsråd.

Denne orienteringa gjeld saker der NVE kan gi løyve og rettar seg mot høyringsinstansane med føremål å gi ein samla oversikt over kva som er ønskeleg at vert lagt vekt på i fråsegn frå dei offentlege forvaltningsorgana.

Handsaming av søknaden fram til endeleg avgjerd

NVE publiserer søknaden med vedlegg på www.nve.no/smaakraft når saka vert send på høyring.

NVE sender samstundes høyringsbrevet til dei kommunane, fylkesmenn (FM), fylkeskommunar (FK) og interesseorganisasjonar som saka vedkjem, ev. òg til statlege forvaltningsorgan som saka vedkjem. Saka vert kunngjort i ei eller fleire aviser i distriktet og kommunen legg søknaden ut på eit eller fleire offentleg kontor der den kan studerast, ev. lånast. Vedlagte adresseliste viser kva høyringsinstansar som mottar høyringsbrevet.

Søkjar får høve til å kommentere innkomne fråsegner før NVE avsluttar handsaminga. Som eit ledd i handsaminga følgjar ei synfaring der dei som har uttala seg inviterast til å delta.

Ved ei totalvurdering av saka står NVE fritt til å vurdere om konsesjon skal tilråast og i kva utstrekning. Søknaden og innkomne fråsegner er viktige grunnlag for denne vurderinga.

Dersom NVE gjev konsesjon, kan det knytast vilkår til dette, jf. vrl. § 26. Vilkåra kan omfatte reglar om byggjefristar, reguleringshøgder, vasslepping, godkjenning av planer m.o.t. miljø og tryggleik, tersklar, erosjon, naturforvaltning, fornminne og sanksjonsbestemmingar ved eventuelle brot på vilkåra.

NVE si avgjerd kan påklagast til Olje- og energidepartementet innan 3 veker frå det tidspunkt underretning er kome fram til parten.

Dersom det er søkt om løyve etter energilova for elektriske anlegg i kraftverk og/eller for høgspenst overføringsanlegg, vil NVE gi naudsynte konsesjonar samstundes med at vassressurslovsaka er endeleg avgjort.

Kva forventast av høyringsinstansane ?

Føremålet med høyringa er å få synspunkt på dei framlagde planane. Det er ynskeleg med grunngitte synspunkt på om planane bør gjennomførast, ev. val av alternativ eller avgrensingar i planane. NVE ynskjer òg grunngitte forslag til avbøtende tiltak som kan redusere skadene ved gjennomføring av planane, òg forslag til ev. vilkår.

NVE ventar at kommunen spesielt omtalar tilhøve knytt til kommuneplanen. I tillegg bør kommunen gi ei oversiktleg framstilling av tilhøvet mellom den framlagde planen og dei lokale interessene.

FM bør i si fråsegn legge særleg vekt på tilhøva omkring forureining, landbruk og miljø (til dømes biologisk mangfald). FK bør tilsvarende leggje vekt på kulturminne.

Vi føretrekkjer at fråsegner sendast oss elektronisk via www.nve.no/smaakraft. I tillegg er det mogleg å sende fråsegner per post, NVE, postboks 5091, Majorstua, 0301 Oslo, eller e-post til nve@nve.no.

- KUNNGJERING -

Søknadar om løyve til å byggja kraftverk i Bjerkreimvassdraget i Bjerkreim kommune

NVE har motteke 6 søknadar om løyve til å byggje kraftverk i Bjerkreim kommune.

Riise Environmental Consultants har sendt søknad om løyve til å byggje Vaule mikrokraftverk som nyttar fallet i Hedlerbekken ned til Røyslandsvatn, Tengesdal minikraftverk som er ei opprustning av eksisterande kraftverk som nyttar fallet mellom Hetlandsvatn og Eikesvatnet og Ørsdal småkraftverk som nyttar fallet i Høylandsåa oppstrøms Ørsdalsvatnet og innebær ei opprustning av eksisterande kraftverk.

Småkraftkonsult AS har sendt søknad om løyve til å byggje Malmei småkraftverk som nyttar fallet frå Fisketjønna til Austrumsdalsåna, Fossvatn minikraftverk som nyttar fallet mellom Fossvatn og Mjåvatn og Mjåvatn minikraftverk som nyttar fallet mellom Mjåvatn og Ørsdalsvatn.

Søknadane inneheld fleire utbyggingsalternativ. Vi ber om at det i fråsegna i størst mogleg grad blir presisert hvilket kraftverk og hvilket alternativ som omtalas.

Søknaden vert handsama av NVE etter reglane i kap. 3 i vassressurslova, og gjeld løyve etter § 8 i same lov. Søknaden med vedlegg er lagt ut til offentleg ettersyn på Herredshuset i Vikeså og på NVE sine nettsider www.nve.no/smaakraft fram til høyringsfristen går ut. Om du ønskjer papirutgåve av søknaden, ta kontakt med Jan Riise på tlf. 41 52 90 00 eller e-post: jariise@online.no (REC) eller Håvard Moi på tlf 47 39 03 70 eller e-post hmoi@smakraftkonsult.no.

NVE føretrekkjer at fråsegner sendast oss elektronisk via www.nve.no/smaakraft så snart som mogeleg og seinast innan **1.5.2009**. I tillegg kan ein sende fråsegner per e-post til nve@nve.no eller per post til NVE, Konesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna vert referert i eit endeleg vedtak. Dersom fråsegna er lang, er det difor ein fordel om det utarbeidast eit samandrag som kan nyttast til dette.